

تاریخ هجری ۱۳۳۱

نومرو ۶

تاریخ رومی ۱۳۲۹



۱۸ رجب

اعتقاد لری

حزیران ۱۰

پازار ایرتسی کونلری نشر اولنور اسبوعی اسلام جریده سیدر .

اسلاميه نك رهبرى اولور ، كعبه مقصوده قاووشورز .

عكسى تقديرده يعنى هيچ ابي اولمسان بو حالده بردوام بولنديغمز مدتجه سوزله وطنداش وخيرخواه كچين بعض وجدانسز وعرفانسزلرك شتوم وتحقيرينه هدف اولمقدن قورتولاهمايز .

آياصوفيه ۲۱ مابس سنه ۳۲۹ مدرسه ايلردن

محمد امين

علم حال درسلى

« ايمان » ك تركمهسى « اينانق » در . اينانق ايكي درلو اولور . برنجيسى « ايمان اجمالى » دركه تركمهسى قيصة يوللى اينانمقدر . ايكنجيسى « ايمان تفصيلى » دركه تركمهسى اوزون يوللى اينانمقدر . قيصة يوللى اينانمق شوبله اولور . بر آدم « الله » لغه يارار وياقشير نه كى حاللر وارسه هپسنى برر برر و آيرى آيرى اوكرنمكسزبن ، بلله مكسزبن بالكرز يارار ، ياقشير نلر وارسه هپسنىك « الله » ده بولنديغنه ويارامز ، ياقشمز نلر وارسه آنلر نده بولناديغنه اينانيورم ديرسه قيصة يوللى ايمان ايتمش اولور .

ينسه بر آدم ، « الله » لغه نه كى حاللر يارار . ياقشيرسه ونه كى حاللر يارامز ، ياقشمزسه هپسنى برر برر و آيرى آيرى اوكرنكدن ، بلله دكدن صوكره يارايان ، ياقشان حاللك « الله » مزده بولنديغنه وياراميان ، ياقشمايان حاللر نده بولناديغنه اينانيورم ديرسه اوزون يوللى ايمان ايتمش اولور .

بر آدم ، بو ايكي درلو ايمان يوللرندن هانكيسنه كيدرسه ايمان صاحبي صاييلورسه ده

آرملرنده شو درلو فرق واردر .

قيصة يوللى ايمان صاحبلىرى ايمانلىرى ضعيفدر . صكره سندن قوزقيلور . چونكه كرك كوزه كورونماين شيطانلر وكرك كوزه كورينان ايكي آياقلى انسان شيطانلىر لوني قولايجه آلدادارق يولدن چيقارلر . اما اوزون يوللى ايمان صاحبلىرى نه شيطانلر آلداده بيليرلر ، نده او چشيد انسانلر يولدن چيقاره بيليرلر . اويله ايسه هر مسلمان ، اوزون يوللى ايمان صاحبلىرندن اولمغه چالشمالى در . يوقسه ايمان دشمن شرندن قوروبه مزده - الله اسيركسين - صوك نفصده ايمانسز كيدر . بر آدمك ايمان ايتمه بورجلى اولمى ايچون (عاقل و بالغ) بولماسى لازمدركه تركمهسى عقلى باشنده وكنديسنى بيلمى ، بلوغه ايرمش اولمى لازم ديمكدر . بوندن اكلاشيلوركه كرك آندان طوغمه وكرك صوكره دن اولمه دلى آدملايله بابا ، آنا حاللىرى كورمهك باشلامىش اولان ارلك وياخود قيز چوجقلىرى ايمان ايتمه بورجلى صاييلرلر . اويله كيمسهر ، نه زمان عقللى باشلارينه كلورسه ونه زمان بابا ، آنا حاللىرى كورمهك باشلارلرسه ايشته اوزمان ايمان ايتمه بورجلى اولورلر . اكر ايمان ايتمه جك اولورلرسه آخترده بلاللىرى بولورلر .

كله جك درسيمزده « الله » مزده بولسان يارار ، ياقشير حاللر ايله بولماسيان يارامز ، ياقشمز حاللرى يازاجم ايجه او قوبه لمده اونويمه لم . الله همزه خيرلى ايمانلر نصيب ايتسون .

خواجه